

# Dienelkander



## Nuusbrief van die Gereformeerde Kerk Potchefstroom-Oos

**22 Maart 2020**

### OGGENDEREDIENS:

Ds. Pieter van der Walt

### Woordverkondiging op Gereformeerde Kerk Potchefstroom-Oos Facebookblad.

**Skakel in om 9:30**

**Tema:** Hoe weet ek ek is 'n herstelde kind van God?

**Skriflesing:** Romeine 5:1-11;

**Teksverse:** Romeine 5:1-4

Ons almal soek na sekuriteit, veral wat ons geloofslewe betref en veral in hierdie tyd waarin ons lewe, met die vinnige verspreiding van die uiters aansteeklike Coronavirus.

Ons teks lig vier pilare uit wat vir ons sekerheid gee: Geloof, Vrede, Genade en Blydskap.

*Kom luister saam na die elektroniese uitsending Sondagoggend om 09:30*

Geagte broers en susters Oosdoppers

Die ouderlinge het vergader om die implikasies van die afkondiging van die ramptoestand as gevolg van COVID-19 vir ons gemeentelike samekomste te bespreek. Die volgende Skrifbeginsels is met die bespreking in ag geneem (soos omskryf en

belig uit die Skrif in die Heidelbergse Kategismus Sonde 38,39 en 40):

Die Vierde gebod waarin die Here ons beveel om die erediens in stand te hou;

Die Vyfde gebod waarin die Here ons beveel om ons aan gesag (staatsgesag) te onderwerp;

Die Sesde gebod waarin die Here ons beveel om die lewe en belang van ons naaste te beskerm.

Tersaaklike mediese advies is ingewin en wêreldwye tendense in verband met die verspreiding van die virus is ook deur die kerkraad in ag geneem.

In die oorweging van die besluit het die kerkraad dit baie duidelik gestel dat die erediens en gemeentelike samekomste van uiterste belang is, maar gegewe die hoë risiko met die aansteeklikheid en verspreiding van die Corona-virus en die gevare hiervan vir kwesbare mense, moet ons in hierdie besondere omstandighede die lewe en belang van ons naaste voorop stel. Die aard en die erns van die ramptoestand noop ons om met groot wysheid op te tree.

Die ouderlinge het derhalwe die moeilike besluit geneem dat daar vir die volgende 4 Sonde geen eredienste en amptelike gemeentelike samekomste sal wees nie. Wanneer die skole op 14 April amptelik open, sal die kerkraad die situasie weer

evalueer en die gemeente van verdere besluite in kennis stel.

Om egter nog steeds uiting te gee aan die kerkraad se verantwoordelikheid en die gemeente se behoefte aan Woordbediening, sal daar elke Sondagoggend om 9:30 op ons gemeente se "Gereformeerde Kerk Potchefstroom Oos" "Facebook"-blad, 'n lewendige uitsending van Woordverkondiging deur ons predikante gebied word, waarop lidmate met selfone, skootrekenaars en gewone rekenaars met internettoegang kan inskakel. Jy maak gewoon die "Facebook"-blad oop en die uitsending sal om 9:30 begin.

Indien lidmate vrywillig in kleingroepe bymekaar wil kom, staan dit hulle vry, maar dan met die ernstige versoek dat bejaarde lidmate en lidmate met klein kindertjies dit ernstig saloorweeg om nie die byeenkomste by te woon nie. Lidmate wat enigsins grieperwante simptome ervaar moet ook nie sulke vrywillige geleenthede bywoon nie. Tydens hierdie byeenkomste moet lidmate die higiëniese reëls vir die voorkoming van oordrag met groot erns toepas.

Die Dienelkander en preke van die predikante sal elke Vrydag skriftelik aan almal in die gemeente per epos versend word. Lidmate word ook daaraan herinner dat daar op 'n "Facebook"-blad genaamd "Geref Kerk Potch-Oos. Videos van preke" bykans twee jaar se video's van preke beskikbaar is om te kyk.

Ons gemeentelike onderlinge meelewingsal via "WhatsApp"-boodskappe deur die ouderlinge in die groepe versprei word. Lidmate wat nie toegang tot epos het nie, moet asseblief die kerkkantoor of hulle ouerlinge kontak sodat ander reëlings getref kan word om die inligting by u te kry.

'n Ernstige nagevolg van hierdie besluit is die feit dat die Diakonale Kas nie die broodnodige

weeklikse kollekte vir Barmhartigheid via die eredienste gaan ontvang nie. Die ouerlinge versoek lidmate om met groot erns seker te maak dat ons nie hierdie liefdesdiens vergeet nie. Lidmate word versoek om direkte bankinbetalings in die Diakonie se bankrekening te maak of om van die Zapper-metode gebruik te maak wat elke week in die Dienelkander geplaas word.

Die ouerlinge bemoedig ten slotte die gemeente dat hierdie dinge tydelik van aard is en onder die hand van die Here weer sal normaliseer. Kom ons leef as God se lig en sout ons geloof in hierdie ongewone omstandighede uit aan die hand van Sondag 10 van die Heidelbergse Katechismus waar ons bely: ons glo in die voorsienigheid van God: dit is die Almagtige en oralteenwoordige krag van God waardeur Hy hemel en aarde en al die skepsels asof met sy hand nog onderhou en so regeer dat lower en gras, reën en droogte, vrugbare en onvrugbare jare, voedsel en drank, gesondheid en siekte, rykdom en armoede en alles ons nie per toeval nie, maar uit sy Vaderhand toekom. Daarom kan ons in alle teëspoed geduldig en in voorspoed dankbaar wees.

## MEELEWING

- Tannie Miemie de Beer se begrafnis vind more plaas om 10:00 in die ou Begraafplaas en die troosdiens om 11:00 in die kerkgebou. Ons bid vir Elize Schutte (Groep 14 – 082 921 9334) en Mia van Jaarsveld (Groep 19 – 081 212 4411) en hulle families die troos van die Here toe.
- Annetjie Vermeulen (Groep 3 - 079 307 7337) ondergaan eerskomende Woensdag 'n voetoperasie in Linksfield Hospitaal in Johannesburg.
- Carlien Kahl (Groep 35 - 072 879 8126)

moes inderhaas terugkeer Botswana toe om by haar ouers te wees. Haar pa Callie is in die ISE van die hospitaal opgeneem met neurologiese komplikasies. Hy kan glad nie loop of enigsins baie beweeg nie en ondervind ernstige asemhalingsprobleme. Ons bid vir hulle as familie.

- Dries Schutte (Groep 21 - 082 339 5547) het die afgelope week nog 'n veloorplanting ondergaan en ons vertrou dat dit suksesvol gesond sal word.
- Hans en Elma Leienaar (Groep 25 - 082 398 2874) se skoondogter het die afgelope week 'n breinoperasie ondergaan om twee gewasse te verwijder.
- Daar is nog geen inligting bekend oor Sarel Buijs se begrafnis nie aangesien hy in die Nigerië was met sy afsterwe. Ons bid steeds vir Elsie, Anja (Groep 32 - 082 875 3159) en Marike (Groep 24 - 082 461 1515) en hulle familie.

**Ons bid dat die Here beterskap, herstel, bemoediging en troos sal gee.**

### **ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID**

Bert Floor, Isak vd Walt, Magdaleen Venter, Koos en Marlene Jooste, Ina van Wyk, Lana Labuschagne en Annette Coetsee.

### **ONDERSTEUNING VIR SIEKES**

Vir ondersteuning of besoeke deur die hospitaalbesoeke-diensgroep, skakel hierdie week vir: siekes@oosdoppers.co.za of Marian de Kock (082 950 4358) en Ernest de Vries (082 903 8422)  
Medikliniek = 09:00-13:00 en 15:00-20:00  
Mooimed = 11:00-11:30 en 15:00-16:00  
en 19:00-20:00

Potch Hospitaal = 15:00-16:00  
en 19:00-20:00

## **PROGRAM VAN DIE WEEK**

### **Vandag**

09:30 Geen erediens by die kerkgebou - skakel elektronies in op Woordverkondiging op Facebook.

### **Maandag**

17:15 Finans: Tel

### **Dinsdag**

16:30 Finansdiensgroep:  
Begrotingsvergadering

### **Woensdag**

19:00 Bybelstudie: Klipdrif

## **AFKONDIGINGS**

- Liefdegawe vanoggend vir Barmhartigheid (Zapper betaal-metode beskikbaar)

### **OUDERLINGBEDIENING en NUWE INDELING VAN GROEPE**

Ons gemeente gaan nou al vir 'n geruime tyd gebuk onder 'n konstante tekort van ongeveer 10 ouderlinge om die lidmate in 42 groepe te bedien. Pogings word aangewend om van ons emeriti te gebruik om van die vakante groepe te bedien en bestaande ouderlinge onderneem van tyd tot tyd ekstra verantwoordelikheid om by lidmate in die vakante groepe huisbesoek te doen. Die werklikheid is dat opgeveer 25% van die gemeente nie ouderlingbediening ontvang nie en dit is baie sleg vir die betrokke lidmate en vir die gemeente in geheel.

Die ouderlinge het hieroor nagedink en gepoog om die vakante groepe by bestaande ouderlinge in te deel. Dit beteken egter dat die huidige korps ouderlinge se las aansienlik verhoog. Om die besoeklas te versprei het die ouderlinge besluit om die frekwensie van

amptelike verslagvergaderings na 2 te verminder maar om dan minstens by al die lidmate in die loop van 'n jaar uit te kom. Die getal vakante groep is verminder van 10 na 4. Ons vertrou om binnekort ons getal ouderlinge wel te vermeerder en intussen sal ds Piet en ons emerit ons help en so behoort alle lidmate bediening te ontvang.

Daar is in die Skuur 'n alfabetiese lidmaatlys opgesit asook 'n nuwe groepslys met ouerlinge en groepsusters. Gaan kyk asseblief waar u ingedeel is en wie u ouerling is. Lidmate wat ouerling gehad het, bly steeds by dieselfde ouerlinge met enkele uitsondersings.

Die ouerlinge wil lidmate ook vriendelik versoek om beskikbaar te wees vir besoeke en by afspraaktye te hou. Lidmate moet besef dat ouerlinge ook beperkte tyd - en nou verhoogde las - het om besoeke te doen. Ons bede is dat hierdie reëeling die geestelike bediening van ons gemeente sal verbreed en verdiep. Onthou ook om voortdurend vir ons ouerlinge te bid.

### **VERJAARSDAE**

Baie geluk aan almal wat DV hierdie week verjaar!

#### **Sondag, 22 Maart**

Br Riaan Human	082 460 3049
Sr Petro Liebenberg	078 119 2181
Sr Esta v Niekerk	082 839 2043

#### **Maandag, 23 Maart**

Sr Ansie Bezuidenhout	072 360 8036
Br Dirk Snyman	082 367 3778

#### **Dinsdag, 24 Maart**

Sr Elsie Buijs	082 875 3159
Br Marnus Laufs	081 890 4948
Br Hans Laufs	072 041 7401

#### **Woensdag, 25 Maart**

Jbr Schalk du Plessis	
Br Pieter Geyer	071 201 3527
Sr Martje Smits (88)	018 294 4355

#### **Donderdag, 26 Maart**

Br Kruger Breed	078 464 8710
-----------------	--------------

#### **Vrydag, 27 Maart**

Br Pierre Viviers	082 377 7699
-------------------	--------------

#### **Saterdag, 28 Maart**

Sr Lumé de Klerk	060 800 0361
Sr Marthie Schutte	083 741 6263
Sr Zelmari Visagie	084 511 9868

### **GEDIGGIE DEUR: ANNETJIE VERMEULEN**

Een duisend gesiggies,  
Voor my in die saal...  
Singend asof Jesus hulle enige  
oomblik mag kom haal  
Liefde en oorgawe straal  
Uit elke gesig  
En die ogies...?  
Op Jesus gerig!  
"Laat ons skyn vir Jesus"  
Onthou jy nog  
Hoe kindwees was?  
Ons sien onsself in die lewensglas  
Gedagtes ...  
Waar sal ons inpas ...  
'n Gloed van lig en  
verwagting, straal uit ons wese  
By Jesus is NIKS te vrese  
Geen oomblik 'n gedagte aan leed,  
Of verwagting.  
Geen seerkry  
Geen pyn te ly...  
Ons lag  
Ons is bly!  
Ons glo!  
Niks sal ons van Sy liefde skei...

### **BEROEPE NUUS**

#### **BEROEP ONTVANG**

- Ds FJ van Rensburg (Frikkie) van GK Rustenburg-Noordoos na GK Totiusdal

#### **BEROEP AANVAAR**

- Proponent R Steyn (Ruan) na GK

Tsumeb as medeleraar met die opdrag van kerkplanting in Oshakati

## ALGEMENE INLIGTING

### KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt  
082 851 3637

Kerkkantoor: Adele 018 290 7690 /  
[kerkkantoor@oosdoppers.co.za](mailto:kerkkantoor@oosdoppers.co.za)

Kosterspaar: Johan 061 336 7255  
Elsa 073 959 8051

### BANKBESONDERHEDE:

#### Geref. Kerk Potchefstroom-Oos

ABSA Bank  
Tjekrek: 670 340 066  
Takkode: 632-005

#### Diakonie

ABSA Bank  
Tjekrek: 670 280 160  
Takkode: 632-005

#### Susters

Capitec Bank  
Spaarrek: 145 652 5695  
Takkode: 470-010

### WOW-HERWINNINGSWERELD (WEN ONS WÊRELD)

Papier, plastiek, karton, glas, blikkies en polistireen - *hoef nie gesorteer te wees nie, herwinningsitems moet wel in plastieksakke toegebind wees EN PLASTIEKBOTTELS MOET ASB PLAT GETRAP WORD. ASB GEEN huisafval nie!* Die glas/blikkies/plastiek moet asb uitgespoel wees.

### LIEFDEGAWES VIR BARMHARTIGHEID (DIAKONIE)

#### ZAPPER (Selfoon toepassing)

Hierdie QR-simboolkode is gekoppel aan die Diakonie se rekening en **slegs** bydraes vir **Barmhartigheid** kan daarmee gemaak word - geen ander betalings aan die Diakonie of kerkraad nie.



### SOSIALE MEDIA VIR ONS GEMEENTE

Webblad: [www.oosdoppers.co.za](http://www.oosdoppers.co.za)

Facebook: [www.facebook.com/oosdoppers](https://www.facebook.com/oosdoppers)

Videos van elke erediens kan hier gesien word: Facebookblad "Geref Kerk Potch-Oos. Videos van Preke by <http://ow.ly/ivfZ309vsdc>.

Ds Piet stuur weekliks sy preke per e-pos uit. Laat weet hulle indien jy dit wil ontvang.

### BYDRAES VIR DIE DIENELKANDER

Lidmate is baie welkom om bydraes/berigte of nuus vir die Dienelkander deur te gee na die Kerkkantoor. Doen dit asseblief voor Vrydae 09:00. ("Dien-elk-ande": Nederlands vir "dien mekaar")! Die Dienelkander is elektronies beskikbaar en word Vrydae per e-pos uitgestuur. Kontak Adele by die kerkkantoor indien jy dit graag elektronies wil ontvang.



# SUSTERS IN DIE GELOOF

## Intimitet met God

*Laat my gebed soos reukwerk voor U aangesig staan,  
die opheffing van my hande soos die aandoffer.*

*Psalm 141:2*

### Teeskinkgeleenthede

**Geen tee vandag!**

### Blikkies-warmharte



*Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. Baie dankie vir julle getroue bydraes!*

### Sustersbydrae



*Die sisters se fondse word uit elke suster se vrywillige bydrae (R150 per jaar) verkry, asook die fondse wat tydens fondsinsamelingsgeleenthede geïn word. Hierdie geld word gebruik om na minderbeoorregtes uit te reik en daar word jaarliks aan verskillende verdienstelike instansies, donasies gegee.*

## GloMediaTV - Kom ons almal ondersteun die mooi inisiatief!

Soos julle waarskynlik weet het die GKSA en die NHK saam ons eie TV-platform geskep om goeie Christelike programme op professionele TV-standaard te vervaardig. Om die projek volhoubaar te maak, is ons van intekenaars afhanklik.

Die boekdrukkuns het in Luther se tyd gemaak dat die ware evangelie toegang tot huise verkry het. Vandag gebruik die meeste van ons mense die internet vir inligting en vermaak. Daarom dat die dwaalleer ook baie aktief op die internet is. Tik gerus "Wie is God?" in en kyk wie se idees kom eerste op.



*Stuur asseblief onderwerpe en programme waarby jy met jou kundigheid betrokke kan raak aan malan.vanrhyn@aros.ac.za.*

Ondersteun asseblief ook die inisiatief **deur ons mense aan te moedig** om na [www.glomedia.tv](http://www.glomedia.tv) te gaan en aan te sluit. Lidmate kan ook voorstelle maak deur 'n epos te stuur na [navrae@glomedia.tv](mailto:navrae@glomedia.tv)

Groete,

Malan van Rhyn en Henk Stoker.

Dr. Malan van Rhyn

Sel: +27 (0) 82 858 0538

[malan.vanrhyn@aros.ac.za](mailto:malan.vanrhyn@aros.ac.za) <https://www.kerkgroei.co.za/>





# Oosdoppertjies

Sagaria 2:8 B " Wie aan julle vat, vat aan my oogappel."

## NUUS UIT DIE BYBELKOERANT

### MOENIE TEL AS JY VERGEWE NIE, Sê RABBI

KAPERNAUM. - Die rabbi Jesus van Nasaret het hom weereens teen die gangbare lering uitgespreek toe Hy sy dissippels beveel het om nooit op te hou met vergewe nie.

Een van sy dissipels, Simon, het hom naamlik gevra hoeveel keer hy sy broer moet vergewe as hy iets verkeerds teen hom doen. Simon het gemeen dit sal sy leermeester tevrede stel as hy sewe maal vergewe. Waarop Jesus geantwoord het: "Ek sê vir jou, nie sewe keer nie, maar selfs sewentig maal sewe keer."

Die Bybelkoerant het ander rabbi's se mening hieroor ingewin en hulle het almal dieselfde antwoord gegee. Die oorgelewerde tradisie vereis van jou om iemand tot drie keer toe te vergewe. Alles wat jy meer as dit doen, is oortollige goeie werk.

A light gray rectangular box containing the word "FORGIVE" written in a hand-drawn, cursive style. A small heart symbol is placed above the letter "I".

Lees hoe ons mekaar behoort te vergewe in Mat. 18: 21-35.